

Cun perseveranza en tschertga da sias furmas

Purtret da l'artist Matias Spescha

■ (anr/fa) **Matias Spescha** è in artist enconuschten suror ils cunfins dal Grischun ed er da la Svizra. A chasschun da ses 80avel anniversari ha fatg **Bertilla Giossi** da la TvR in film sur da l'artist. «Cur che jau hai udì ch'el cumpleneschia quest onn ses 80avel anniversari hai jau gî l'idea ch'ins pudess far in purtret filmic sur da quest artist famus», ha ditg *Bertilla Giossi*, cineasta da la Televisiun Rumantscha, mesemna als representants da la pressa avant che als mussar il nov film. I sa tracta d'ina coproducziun da la TvR e da SF DRS, emissiun Sternstunde. «Da questas coproducziuns vulain nus realisar en avegnir adina daprilas», ha orientà *Mariano Tschuer*, il manader da program da la TvR, «uschia pudain nus optimar anc nossas producziuns e las presentar er als aspectaturs da la Svizra franzosa e taliana.» Er a chasschun da ses anniversari radund expona a partir dals 18 da mars 2005 il Museum d'art grischun a Cuira ina tscherna da las ovras da *Matias Spescha*.

Tge è art?

Da l'artist da Trun aveva fatg *Bertilla Giossi* gia pliras emissiuns, pledadas e



La cineasta *Bertilla Giossi* enconuscha l'artist *Matias Spescha* già dapi ventg onns.

FOTO F. ANDRY

filmadas. En l'archiv da la TvR sa chatevan anc outras contribuziuns sur da *Matias Spescha*. «La collavuraziun cun ils collegas da la Sternstunde s'è presentada uschia che nus avain mess a disposiziun noss material da film», ha ditg la cineasta, «per la paja ans han els

sustegnids tar la lavour da filmar che nus avain prestà en il davos temp.» L'intenzion da *Bertilla Giossi* era d'ir ensemble cun l'artist en tschertga da la resposta tge che saja art per el. «Ins vegn bain a savair er in pèr detagls da sia vita», ha el-

dumonda filosofica 'tge è art per *Matias Spescha*?»

Senza sa prender memia serius

En il film sfeglia *Matias Spescha* in cu desch che represchenta ina retrospectiva da sias ovras. El commentescha sez il svilup da sia lavour. Per quels che n'enconuschan betg sia ovra èsi forsa grev dad encleger pertge ch'el lavura cun uschè paucas furmas e colurs. Il film porscha a quels la pussaivladad unica d'udir gist da l'artist sez tge ch'el ha pensà cun far que-

sta u l'autra ovra, e qualas ch'eran sias intenziuns. Igl fa bain dad udir che *Matias Spescha* è restà malgrà ses grond success cun ils pes sin terra e na sa prendia betg uschè serius. «Sch'in contemplader da mias ovras nun è gist entusiasmà d'ellas m'è quai baud in zic tuttina», di el ina giada en il film cun fatscha rienta.

Datas d'emissiun: Sin SF1 dumengia, ils 20 mars 2005, a las 12.00 en tudestg (Sternstunde, 50 minutas) ed a las 17.00 en rumantsch (Cuntrasts, 15 minutas), e sonda, ils 26 mars, a las 16.25 (Sternstunde).

Reducì la lingua da furmas adina pli fitg

Matias Spescha, naschì 1925 a Trun, è in dals quiets che va perseveranta main sia via. A Bages, in vitg perifer en la Frantscha dal sid, sa deditgescha el dapi 50 onns senza resalvas a l'art. Sia ovra reflectescha il svilup d'ina lingua da las furmas adina pli reducida. Il film documentescha sia creaziun artistica dals onns tschuncanta enfin il temp d'oz e possibilitescha in'avischinaziun a l'art dad in dals pli

impurtants artists da la Svizra. La reschia dal film ha manà *Bertilla Giossi*, a la camera era *Matthias Kälin*, per il tun era responsabel *Alex Schwendinger* e per il tagl *Nina Schneider*. Maschadà il tun ha l'AudioKraftwerk. Manà la redacziun han *Mariano Tschuer* e *Marion Bornschier*. I sa tracta d'ina producziun communabla da la Televisiun Rumantscha e SF DRS Sternstunde.